



Broj: 01-145/21
Vareš, 29.07. 2021. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), člana 22. i člana 65. Statuta Općine Vareš – prečišćeni tekst, broj: 01-162/12 od 11.09. 2012. godine, Općinsko vijeće Vareš, na 7. sjednici održanoj 29.07. 2021. godine, d o n o s i

ODLUKU

o raspisivanju izbora za članove savjeta mjesnih zajednica na području općine Vareš

Član 1.

Raspisuju se izbori za članove savjeta mjesnih zajednica na području općine Vareš.

Član 2.

Izbori će se održati 04. i 05.09. 2021. i 11. i 12.09. 2021. godine (subota i nedjelja) u vremenu od 09,00 do 21,00 h.

Član 3.

Broj članova savjeta mjesnih zajednica utvrđen je statutima mjesnih zajednica, s tim da ne može biti manji od 3 ni veći od 9, a određuje se ovisno o broju stanovnika.

Sastav članova savjeta će odražavati srazmjernu zastupljenost mjesnih područja, nacionalnu zastupljenost kao i jednakopravnu zastupljenost spolova.

Član 4.

Članovi savjeta mjesnih zajednica i predsjednici mjesnih zajednica biraju se po postupku i na način utvrđen statutom mjesne zajednice i u skladu sa Statutom Općine Vareš.

Član 5.

Organi mjesnih zajednica su dužni organizirati i obezbijediti održavanje zbora građana i u skladu sa mjesnim prilikama blagovremeno obavijestiti građane o vremenu, mjestu održavanja i dnevnom redu zbora građana.

O održavanju i vođenju zbora građana brine se predsjednik odnosno njegov zamjenik.

Član 6.

Prilikom provođenja izbora, organi mjesnih zajednica dužni su se pridržavati epidemioloških mjera koje su na snazi.

Član 7.

Općinsko vijeće Vareš imenuje Komisiju za utvrđivanje rezultata izbora za članove savjeta mjesnih zajednica na području općine Vareš (u daljem tekstu: Komisija).

Administrativno-tehničke poslove za potrebe Komisije iz stava 1. ovog člana, obavljat će Služba za opću upravu, društvene djelatnosti i boračko-invalidsku zaštitu Općine Vareš.

Član 8.

Obavezuju se organi mjesnih zajednica da zapisnik sa zбора građana o provedenim izborima, dostave Službi za opću upravu, društvene djelatnosti i boračko-invalidsku zaštitu Općine Vareš u roku od osam dana od dana održavanja izbora.

Član 9.

Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆA
OPĆINSKOG VIJEĆA**

Mahira Brkić

Odluka objavljena na oglasnoj tabli Općine Vareš dana 30.07. 2021. godine.

OPĆINSKI NAČELNIK

Zdravko Marošević

O b r a z l o ž e n j e
Odluke o raspisivanju izbora za članove savjeta mjesnih zajednica na području općine Vareš

1. Pravni osnov

Pravni osnov za donošenje ove Odluke sadržan je u članu 13. Zakona o principima lokalne samouprave FBiH („Službene novine FBiH“, broj: 49/06 i 51/09), članu 22. i članu 65. Statuta Općine Vareš – prečišćeni tekst, broj: 01-162/12 od 11.09. 2012. godine, u kojem stoji: „Izbori za članove savjeta mjesne zajednice održavaju se u terminu utvrđenom odlukom Općinskog vijeća, a u pravilu istovremeno u svim mjesnim zajednicama“.

2. Razlog za donošenje

Programom rada Općinskog vijeća Vareš za 2021. godinu, broj: 01-16/21 od 14.01. 2021. godine, predviđeno je donošenje Odluke o raspisivanju izbora za članove savjeta mjesnih zajednica na području općine Vareš.

Zbog epidemiološke situacije izazvane korona virusom (COVID-19), Općinsko vijeće Vareš je na 4. sjednici održanoj 29.04. 2021. godine, donijelo Odluku o odgađanju izbora za članove savjeta mjesnih zajednica na području općine Vareš.

S obzirom da je u međuvremenu došlo do poboljšanja epidemiološke situacije i ublažavanja mjera predlaže se donošenje ove Odluke.

3. Finansijska sredstva

Za provođenje ove Odluke nisu potrebna finansijska sredstva.

PREDLAGAČ:
OPĆINSKI NAČELNIK

Zdravko Marošević

